

# DE HYDROCELE.

---

## THESES ANATOMICO-CHIRURGICÆ.

*Quas, DEO JUVANTE, & Præsidi M. LUDOVICO-FRANCISCO  
BUSNEL, Artium & Chirurgiæ Magistro Regiæque Chi-  
rurgorum Academiæ Socio, tueri conalitur JOANNES CLAUDIUS  
MERTRUD, Lingonensis, Artium Liberalium in alimâ Universi-  
tate Parisiensi Magister.* *De Langres*

PARISIIS;  
IN REGIIS CHIRURGORUM SCHOLIS.

Die Lunæ 8<sup>a</sup>. Octobris à sesqui-secundâ post meridiem ad septimam.  
Anno salutis 1759.

PRO ACTU PUBLICO  
ET MAGISTERII LAUREA.




---

Typis P. AL. LE PRIEUR, Collegii & Academiæ Regiæ Chirurg. Typographi,  
viâ San-Jacobæâ, sub signo Olivæ. 1759.










*D. O. M.*  
**T H E S E S**  
 ANATOMICO - CHIRURGICÆ.



**S** CROTUM in proclivi positum, laxitate Pendulâ concussile, multiplici Morborum serie vexari neminem latet: omnes recensere, ut arduum nimis opus, sic & instituto nostro parùm congruens; de Hydrocele potissimum indecoro pondere, nullâ ætatis habitâ ratione mortales urgente, præmissis, ut mos est, quibusdam Anatomicis, dicemus.

IN inferiori margine ossium pubis pendet sacculus mollis, rugosus, futurâ seu raphe, in duas partes divisus, glandulis sebaceis instructus pilisque gaudens in Adultis, testes involvens, scrotum sive bursa virilis, veteribus scortum (*a*). nuncupari solet: cuticulâ, cute tenuiori & membranâ adiposâ pinguedine destitutâ (*b*) Constituitur,

(*a*) Veteribus scortea appelebantur quæ ex alutâ aut pelle constabant unde scortei nummi qui ex corio fiebant. Vid. Gaspar. Bauhin. Theat. Anat. pag. 181.

(*b*) Quandoque reperitur in seroto adeps; sed præternaturaliter & in valde obæsis, ut passim legitur apud Authores.



est quæ primarium & exterius commune testium involucrum.

ALTERUM condit *ἡ δαπνὴς*, Rupho & *Ἄγινετᾶ δαπνὸν* vel *δαπνὴς* (a), quod faciliè ab aliis separatur: hoc membranaceo-musculosum duplex, vasculis sanguiferis luxurians, ossium pubis utrique ramo fibris tendinosi affixum, biloculatur mediante septo, à quibusdam mediastino (b), ex amborum adunatione contexto, testes investit, variis corrugationibus fovet, suspendit & sustinet pro circumstantiarum ratione. \*

IN utroque sacculo sedet pars organica; ovi columbini, aut majoris similitudinem referens, mollis, spongiosa & albicans, feminis generationi dicata (c), testis, sive testiculus audit. Numero bini sunt, modò communem naturæ ordinem respicias; undè à Græcis *διδύμοι*, quasi gemelli nuncupantur. Vocantur præterea, à non nullis, Poma Amoris Bracchica mala, Globuli naturales, Colei, &c. \*

DE Testium substantiâ, vasorumque spermaticorum anastomosis multi plura: alii substantiam testium pultaceam (d), glandulosam alii (e), quidam omninò vasculosam (f) volunt; sed non nostrum est tantas componere lites, & cum Heystero spectabimus, mirantes, vasa spermatica tunicam albugineam decurrentia, varios in testium substantiâ giros efformantia, corpus albidum Higmoro dictum constituentia, & in epidydimida vel parastatam humorem suum quinque vel sex osculis minimis evomentia (g). Arteriæ & spermaticæ venæ anastomoses multi contendunt, sed oculi nostri non sunt hæcenus tam lyncei, ut aliquid Autopsiâ probare possint.

(a) Lib. 6. Cap. 61.

(b) Clariff. Winslow. Exposit. Anat. art. 499.

\* Reperiuntur qui scrotum pro lubitu attrahunt, & motum in illo, peristaltico intestinorum non abfimilem excitant. Confer. de Graaf. de Vir. Organ. Generat. inservientib.

(c) Gerard. Blasii. Anat. hom. 114.

\* Aliquando tres aut unus duntaxat testiculus deprehenditur. Nullos in homine testes observatos fuisse scribunt Bartholomæus Cabrolus Observ. 3. Sennert. lib. 2. chap. 2. de testibus. Unici exemplum refert Riolan. Antrôpographiæ lib. 2. Cap. 31. Tres se testiculos vidisse testantur Petrus Borellus Histor. & Observ. rarior. Medico-Physicorum Cent. 2. Observ. 60. Fernelius lib. 1. Patholog. cap. 8. Forestus lib. 27. Observ. 25. refert Franciscus De Leboë, Sylvius se in nobili quadam viro utrumque testiculum in abdominis cavitate latentem invenisse: quandoque etiam, ut ipsemet vidi, unum in scroto, alterum in pelvi deprehenditur.

(d) Ruphus Ephesius.

(e) Malpighi.

(f) Ruisch.

(g) Laurent. Heyst. Compend. Anat. pag. 95.



**JAM** verò epididymis par est oblonga, bombyci similis, utri-  
que extremo testis, mediante membranâ tendinosâ, ob colorem, albu-  
gineâ dictâ firmiter alligata; partem quâ testis committitur gybbam, quâ  
verò illi adhæret cavam refert. Per totum ejus ductum quo testis tu-  
nicæ, nectitur propè-modum æqualis & ejusdem figuræ est, duabus  
verò extremis. 1<sup>a</sup>. Quæ caput epididymidis refert; in globum assur-  
git. 2<sup>a</sup>. Quæ cauda, quorundam, paulisper gyrosa definit in sypho-  
nem feminiferum, suprâ os pubis assurgentem, in plevis descenden-  
tem, & posteriori parti cervicis visicæ finiendum in vesiculas semi-  
nales: substantiam cum teste fere eandem refert.

**TESTIS** cum suâ epididymide tribus propriis investitur mem-  
branis, 1<sup>a</sup>. musculosa sive rubra, unde ἐπιδιδυμίδης dicta, musculus  
Cremaster sive testis elevator, fibrarum musculi obliqui interni ab-  
dominis expansio, testem sursum attrahit, 2<sup>a</sup>. vaginalis dicta Græcis  
ἐλαιοειδής, peritonei processus cellularis, priorem exteriori parte  
excipit, & variis filamentis cum externis testium involucris commu-  
nicat.

3<sup>a</sup>. Albuginea strictior, cum substantiâ testis, ejusque appendi-  
cis cohærens, vasa spermatica recipit, & ad testes transmittit.

**TRIPLEX** vasorum ordo prædictis partibus suppeditat.

**ARTERIÆ**, spermaticæ dictæ, quibus occurrunt plures ab  
Hypogastricis, Pudendis, Epigastricis, & Curalibus.

**VENÆ**, arteriis majores, reducem sanguinem ab iisdem reci-  
piunt, & in cavam, variis locis, pro vario ramulorum genere, eructant.

**NERVI** ex osse sacro, lombaribus, plexu renali & spermatico  
cum intercostali & octavo pari communicantes.

**NEC** desunt vasa lymphatica in glandulas inguinum conglobatas,  
lacteas, mesaraïcas, immò & ductum thoracicum decurentia.

**TUMOR** in alter-utrâ, vel utrâque scroti parte, minùs dolens,  
quandòque splendens, sæpè etiam diaphanus ac mollis (a). A stag-  
nante sero, vel in cellulis latitante, ὄγκος vel hernia aquosa nun-  
cupantur.

**SERUM** autem illud nunc intrâ productionem peritonei & mem-  
branam scroti carnosam (b). Nunc in vaginali testiculorum tuni-

(a) Theodor. Zuinger. Theatr. Prax. Med. pag. 504.

(b) Palsin. Anat. Chirurg. Comment. par M. Petit, pag. 175.



cā (a), nunc in peculiari cystide, nunc inter alias scroti cellulas (b) colligi non infrequens. Unde pro variâ sede, multiplex.

**PRODUCITUR** itaque, quoties limpha vel serosus humor à sanguine jam secretus, intrâ prædictas partes stagnare incipit, tunc pars necessariò dilatatur; sensim ac sensim, in dies crescit, ac in tantam molem, propter impeditum lymphæ refluxum, attollitur, ut & ipsius etiam penis aquosa intumescencia atque incurvatio contingat à quâ æger plus forte quam à toto reliquo morbo excrucietur (c).

**DISRUPTIO**, aut nimia vasculorum, præsertim lymphaticorum laxitas, copia vel qualitas serosi laticis læsa, vis externa, nixus, vulnera venenata, præsertim ab animantium dentibus infixa, animi pathemata, inconsiderata medicaminum applicatio, venereis in sylvis venatio, ex hisque collecta spolia, impedita perspiratio sanctoriana, cachexia, largiores venæ sectiones & hæmorrhagiæ quales-cumque sanguinis florem depauperantes, viscerum abdominalis ingurgitatio aut tumores, vita sedentaria, somnus prolixior, crapula quotidiana, ascytes, leucophlegmatia &c. Huic morbo ansam præbent.

**HYDROCELE** facili negotio, & cognoscitur, & ab aliis scroti tumoribus plerumquæ discernitur: mollis enim est tumor, albicans sæpe, quandoque transparent, in quo feri fluctuatio haud diffcultè per sentitur: pellucidus, si aquæ in scroti, aut tegumentorum cellulis haud profundius latent, tegumenta balani, ut potè continua expandunt, unde quandoque *φίμωσις*, *παράφίμωσις*, glandisque intumescenciæ fomites invadunt (d). Tunc testiculus, subter aquas, naturali suâ magnitudine deprehenditur.

In vaginali tunica serum incarcerari demonstrat, minoris ponderis, sed magis dolens tumor, ellipticam quasi figuram exhibens, vix transparent, nisi in obscuris, posito namque in adversâ parte lumine, collocetur æger: tunc deest penis intumescencia; è contrâ minuitur (e), & paulatim, præstantissimum hoc virilitatis decus, oculos pudibundè fugere crederes. Testis verò sensibus intactilis inter aquas

(a) Recentiores quidam unicam tantum hydrocelis speciem admittunt, scilicet in vaginali tunica; reliquas aut negant, aut ad leucophlegmatiam aliosve morbos referunt: cum verò, nomine tantum, ab eorum sententiâ differat hæc nostra positio, si cui nova magis arrideant, litem non suscitabimus: antiquiori immò & usitatori utimur loquendi modo. Vid. D. Bertrandi in Regiæ Chirurg. Academ. Collect. tom. 3. pag. 85. Sharp. Recherches sur l'état présent de la Chirurgie, &c.

(b) D. Garengeot tom. 1. p. 448.

(c) Theodor. Zuinger. p. 505.

(d) Elie Col de Villars, tom. 2. pag. 178.

(e) Palfin pag. 175. Col de Vilars suprâ laudatus pag. 179.



5

latet, & quandoque harum pravâ qualitate erofus (a), ve preffione  
ftrangulatus (b), in fyderationem promptè decedit.

Α' σαρκουήλη differt in eo quòd hic durus foleat effe tefticuli magis  
quam ipfius fcroti tumor. Ab εντεροκήλη, in quo neque pelluciditas, ne-  
que in fcroto foleo, fed ad inguen, per quod lapfus intestinalis ductus, ut  
plurimum in abdominis cavum ita retrudi poteft, ut omnis fcroti tu-  
mor evanefcat : quòd in Hydrocele non fit, nifi dilaceratâ aut pro-  
longatâ peritonei parte internâ, annulum mufculi obliqui externi ab-  
dominis obrurante ; tunc hydrops comes (c) aut faltem feri fluctua-  
tio litem facilè fedat.

IN πνευματοκήλη autem, expansio dolorque majores fiunt ; de-  
funt mollities & diaphaneïtas ; digitorum tactui facile quidem cedit,  
fed inftar timpani tenfi, fi digitum removeas, priftinæ figuræ subitò  
reftituitur.

PROGNOSIS pro variâ fpecie & caufis multiplex. Hydrocele re-  
cens, fimplex, vel in pueris, omni ferè periculo vacat, leviorique  
medicaminum apparatu fedatur. Si verò Hydropis comes, effectus  
cachexiæ, humorum crasîs perversæ, in membranâ teftis propriâ  
tenellum hoc condendi feminis organum premat, præfertim fi defit  
urina, aut parcior, rubra, lixivialis ac tinctâ, profttrato appetitu, fiti  
inextinguibili, febrique lentâ corripitur. Ager, fi crura puftulis rubi-  
cundis, lividisque ftriis gangrenæ fphacelique nunciis deprædentur ;  
fubfequens accidentium cohors miferum brevi tempore de medio tol-  
let, ut paffim monet fapientiff. Hypocrates Aphorifm. Sect. VI. VII.

Quod ad curationem fpectat : fedulò ac diligenter perpende cau-  
fas, tempora & Comites morbos : differt enim pro fingulis indicatio  
Therapeutica. Itaque incipienti Hydroceli idiopatico, præfertim in  
infantibus, fofus quidam aftringentes ac refolventes fpleniis aut  
fpongiolâ fcroto adhibiti, haud omiffis evacuantibus intus fufceptis,  
perfectam, nec lentam curationem afferunt. Quibus propter provec-  
torem ætatem, ni fufficiant, aperientia ac hydragoga, imprimis  
hydrargiro aut marti unita addemus : his verò propter tenaciorem  
morbum incaffum adhibitis ; accedat auxiliatrix Chirurgia, Pharma-  
ceuticisque ferreas adde vires. Scarificationes igitur in fcroto protinùs  
inftituendas, partemque aquis denudatam fpleniis ac fasciis fpiritu vini  
camphorati, aquâ calcis, &c. fyderationis vitandæ caufâ imbutis deligan-  
dam, fufpenforioque firmandam, cum melioris notæ Authoribus arbi-  
tramur. Si erefipelas adfit, ante omnia, venæ fectionibus topicis-

(a) Recueil périod. d'Observ. de Méd. Anat. Chirurg. tom. VII. pag. 49.

(b) Zuïng. jam citat. pag. 507.

(c) Palfin. Anat. Chirurg. pag. 173. Dionis Comm. M. de la Faye, p. 368.



que resolventibus sedandum, ne gangrenæ faveant scarificationes; quæ, si jam prodierit, anticepticis medicaminibus tam extus quam intus adhibitis, ad medelæ scopum propera.

Si Hydrops ascytes cum suâ cohorte simul ad fuerit, eadem prorsus remedia utriusque curationi adhibenda: sed radicalis serò Chirurgia paratur! Cum verò audacioribus, immò & mulierculis fors aliquando faveat; macte animo: diluentia, incidentia, aperientia exhibe, sudores move, ductum intestinale catharticis, hydragogis, emeticis excita: acû triquetra latioris ductus, hosti latenti, quantum satis exitum præbe. Felicem operam! Si talibus Ægrum ab orcis, ad vitæ delicias & amœnitates beneficâ conduçens manu gaudeas! Sed eheu! Quam multis incassum! Et post multas, & repetitas Operationes gravem cum aquis vitam fundunt! Causas igitur, ut jam monuimus sedulo ac diligenter perpende.

Si aquas in peculiari cystide latentes deprehenderis, inter plurima à variis Authoribus proposita, quod libuerit pro ratione eliges: quidam enim setaceum (a). Cystidi transversim immittunt. Ferro candente aut cauterio potentiali folliculum erodendum volunt multi (b): nos verò scalpello, quantum poterit, satius ac certius incidendum censemus, semper interim cavendo ne vasa spermatica aut testiculi lædantur.

Si denique, aqua in ipsâ testis vaginali tunica contineatur sine alio concomitante morbo, palliativam, utpotè minùs dolentem curationem radicali antepônunt multi: immò quosdam videre est qui, sibi-metipsis, audaciore manu, acû triquetram singulis mensibus immittere non dubitant. Verùm hæc methodus iis solum-moddò confert in quibus aqua limpida fluit, neque tumoris antiquitate nimia sit sacci crassities: si enim aqua sub-rubra vel atro-rubescens, aut aliâ quâcumque pravâ qualitate donata testiculum erodere aut syderatione afficere queat; periculum est in morâ, & scrotum, scalpello quantum sat incidendum.

Si, ut finem faciamus, testis ipse syderatione sphaceloque corripiatur: super imposito in ossis pubis laterati parte globulo rite deligato spermaticum sanguinem sistente; Ægro pro majori operantis opportunitate collocato; noxium testem prorsus eradicandum, vulnusque, pro simplicium ratione, rejectâ tanquàm inutilis doloris, immò & convulsionum (c) fomite spermaticorum vasorum deligatione, ad cicatricem conducendum, confidenter asserimus.

(a) Palfin Anat. Chirurgig. pag. 173. Dionis Comment. par la Faye pag. 368.

(b) Zuinger. pag. 507.

(c) Confer. Epist. Clariss. Louis in Collect. Periodicâ Observ. Med. Chirurg. Pharmac. &c. tom. IX. pag. 521. Variasque Observ. que passim in hac Collect. leguntur.